

Broj: 05-35-3333-1/25
Mostar, 8. 7. 2025. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
ZASTUPNIČKI/PREDSTAVNIČKI DOM**

Primljeno: 14-07-2025			
Org. jed.	Broj	Priloga	Vrijednost
05/1	- 02 -	292	/25

- n/p. tajniku/sekretaru Zastupničkog doma Parlamenta Federacije Bosne i Hercegovine,
- n/p. zastupniku u Zastupničkom domu Parlamenta Federacije Bosne i Hercegovine, dr. sc. Admiru Čavaliću,

Predmet: Odgovor na zastupničko pitanje dr. sc. Admira Čavalića, dostavlja se

Veza: - **Vaš akt** broj: 05/1-09-292/25, od 17. 6. 2025.

- **Akt Vlade Federacije BiH** broj: 03-04-859-2/25, od 20. 6. 2025.

Poštovani,

Od Vas smo dobili dopis br. 03-04-859-2/25 kojim je proslijeđeno zastupničko pitanje Federalnom ministarstvu obrazovanja i nauke koje je postavio zastupnik dr. sc. Admir Čavalić a koje glasi: „**Da li Ministarstvo planira kreirati jedinstvenu bazu podataka o istraživačkim projektima finansiranim iz budžeta FBiH?**“

U odgovoru na ovo pitanje obavještavamo Vas o sljedećem: Federalno ministarstvo obrazovanja i nauke je, u skladu sa svojim ovlaštenjima, poduzimalo i poduzima, u skladu sa svojim mogućnostima, prikupljanje, obradu i zaštitu svih podataka koji se odnose na one programe i projekte koji se finansiraju iz Budžeta Federacije BiH a koje realizira Federalno ministarstvo obrazovanja i nauke.

Budući da je *Okvirnim zakonom o osnovama naučnoistraživačke djelatnosti i koordinaciji unutrašnje i međunarodne naučnoistraživačke saradnje Bosne i Hercegovine* („Službeni glasnik BiH“, br. 43/09) predviđeno da se na nivou BiH, ali i na nivou entiteta i kantona, uspostavi cjeloviti naučnoistraživački informacioni sistem koji treba da sadrži naučnoistraživačke baze podataka, evidencije i statističke pokazatelje u skladu sa svjetskim, a posebno evropskim standardima, a u čl. 14. istog Zakona predviđeno je da ministarstva odgovorna za naučnoistraživačku djelatnost u entitetima, kantonima i Brčko Distriktu Bosne i Hercegovine uspostavljaju svoje lokalne baze podataka i vode evidenciju o naučnim ustanovama i naučnim radnicima iz svoje nadležnosti, Federalno ministarstvo obrazovanja i nauke je pokrenulo nekoliko aktivnosti:

1. Sektor za nauku i tehnologije unutar Ministarstva raspolaže podacima o projektima iz prethodnog razdoblja koji su podržani iz Budžeta Federacije BiH i pripremaju se elementi za uspostavu registara o javno dostupnim podacima o projektima koje je podržalo Ministarstvo, odnosno koji su finansirani iz Budžeta FBiH (informacije o korisnicima sredstava, voditeljima projekata, iznosima dodijeljenih i namjenski utrošenih sredstava, naučnim i

drugim rezultatima podržanih projekata i sl.). Ministarstvo je prilikom raspisivanja javnih poziva za podršku putem tekućih transfera iz područja nauke i tehnologije za 2025. godinu zahtijevalo od potencijalnih korisnika sredstava da prilikom prijave na javne pozive i konkurse budu prethodno upisani u postojeću naučnoistraživačku bazu eCRISS, koju uz podršku Ministarstva ažurira i održava Nacionalna i univerzitetska biblioteka BiH (možete izvršiti uvid na stranici: <https://cris.cobiss.net/e-cris/bh/bs>). Ova baza eCRISS sadrži podatke o prethodnom razdoblju, budući da je određeno vrijeme Ministarstvo prikupljalo podatke i vodilo registar o istraživačima i istraživačkim organizacijama a onda zbog određenih okolnosti podaci iz tog registra preneseni su u sistem eCRIS. Nakon određenih analiza, ova baza u kojoj su preuzeti podaci iz prethodno uspostavljenog sistema, ocijenjena je kao nedovoljno adekvatna s obzirom na vrstu i kvalitetu prikupljenih i evidentiranih podataka o istraživačima, o projektima, o istraživačkim organizacijama i njihovim odjeljenjima, o istraživačkoj opremi i sl., u odnosu na potrebe praćenja i analiza, a posebno evaluacije učinaka.

2. Na temelju spomenute analize, Federalno ministarstva obrazovanja i nauke je u 2025. godini pripremio i počelo implementaciju ažuriranja podataka, kroz program „Tekući transferi neprofitnim organizacijama - transfer za razvoj institucija nauke i podsticaj naučnoistraživačkog rada od značaja za Federaciju BiH“, pod tačkom 8. „*Izrada Informacije o registriranom broju istraživača i istraživačkih organizacija u Federaciji BiH*“, a čiji je korisnik sredstava i nositelj Nacionalna i univerzitetska biblioteka Bosne i Hercegovine, budući da su u njezinom posjedu svi prethodno prikupljeni podaci. Ovim projektom je predviđeno da se izradi cjelovita informacija o registriranom broju istraživača i istraživačkih organizacija u Federaciji BiH kao podloga za razvoj naučnoistraživačkog informacionog sistema u Federaciji BiH. Jedan od ključnih ciljeva izrade ove informacije je uspostava evidencije istraživačkih kapaciteta i okvira za praćenje scientometrijskih pokazatelja razvoja nauke, pogotovo u odnosu na indikatore koji se prate na globalnom nivou (broj istraživača na milion stanovnika, broj relevantnih radova objavljenih u indeksiranim naučnim časopisima, postotak i visina sredstava izdvajanja za istraživanja, inovacije i razvoj, itd.) ali i brojnih drugih indikatora koji će omogućiti lakše praćenje i evaluaciju učinaka svih programa i projekata koji su podržani iz Budžeta Federacije BiH putem ovog Ministarstva. Drugi važan cilj je maksimalna transparentnost u praćenju razvoja i podrške projektima i naučnoistraživačkoj infrastrukturi, između ostaloga i radi razvoja naučnoistraživačke etike, usklađivanja sa strateškim dokumentima, popularizacije i promocije nauke, te optimalnog korištenja istraživačke opreme i svih ostalih resursa koje planiramo dodatno razvijati kroz kapitalne investicije u narednom periodu. Okvirni rok za dostavu cjelovite „informacije o registriranom broju istraživača i istraživačkih organizacija“ je 31. 12. 2025.
3. Kroz *Program utroška sredstava s kriterijima raspodjele sredstava tekućih transfera utvrđenih Budžetom Federacije Bosne i Hercegovine za 2025. godinu Federalnog ministarstva obrazovanja i nauke* („Službene novine Federacije BiH“, br. 31/25) osigurana su sredstva za početak izrade

strateškog dokumenta razvoja nauke, inovacija i tehnologije na području Federacije BiH u partnerstvu i saradnji s Akademijom nauka i umjetnosti BiH, a u kojemu trebaju biti predviđeni ključni indikatori za praćenje, nakon čega će biti onda izrađeni standardi praćenja, evidentiranja i evaluacije svih informacija i podataka vezanih za nauku, inovacije i tehnologije, te sredstva za pripremu adekvatne metodologije i izradu temeljite i precizne informacije o broju istraživača i istraživačkih organizacija u Federaciji BiH, u sklopu kojih će biti prikazani svi pokazatelji relevantni za ulaganja u sektor nauke i tehnologije, uključujući i ona iz Budžeta Federacije BiH. Ovo usklađivanje je planirano da se vrši prema standardima po kojima je uspostavljen Evropski istraživački prostor (European Research Area – ERA).

S poštovanjem,



MINISTRICA

Jasna Duraković
prof. dr. Jasna Duraković

Dostaviti:

- Naslovu
- Vladi Federacije Bosne i Hercegovine, tajnik/sekretar Vlade Federacije Bosne i Hercegovine
- a/a